

OS MONTES VIZINHAIOS EM MAO COMUM E OS PROGRAMAS PRODER E LEADER: UM RECURSO PARA O DESENVOLVIMENTO? ¹

MARÍA DO MAR PÉREZ FRA / ANA I. GARCÍA ARIAS
Departamento de Economía Aplicada
(Área de Economía, Sociología e Política Agraria)
Escola Politécnica Superior de Lugo
Universidade de Santiago de Compostela

Recibido: 20 xullo 2000

Aceptado: 14 setembro 2000

Resumo: A situación de manifesta subexplotación que vém padecendo as superficies de monte vizinhal em mao comum em Galiza, junto com a elevada porcentagem que este tipo peculiar de propiedade supom sobre o total da superficie agraria, fai que podamos afirmar que devam de ser consideradas como um recurso de primeira ordem em qualquer plano estratégico de intervención que busque promover o desenvolvemento económico e social na maior parte das áreas rurais galegas. O obxectivo central desta investigación é tratar de constatar este feito a través da consideración que estas áreas têm nos programas públicos de intervención destinados a promover procesos de desenvolvemento rural. Centramos o noso traballo nos Programas PRODER e LEADER, o primeiro resulta da aplicación do marco comunitario de apoio plurirregional para as regions obxectivo 1 do Estado Espanhol mentres que o segundo é umha Iniciativa Comunitaria que têm o desenvolvemento de áreas rurais como obxectivo. As similitudes entre ambos programas som muitas, tanto no que se refere ao enfoque empregado; intervención local, como no que atinge à finalidade específica; impulso do desenvolvemento endógeno e sustentábel através de a diversificación da economía rural.

Palabras clave: Desenvolvemento rural / Galiza / Montes vizinhos em mao comum / PRODER / LEADER.

COMMON PROPERTIES AND PRODER AND LEADER PROGRAMMES: A TOOL FOR RURAL DEVELOPMENT?

Summary: Communal properties in Galicia are in a situation of underexploitation. At the same time, this kind of areas are very extensive. All this means that communal properties must be considered as an important resource in the context of rural development programmes. The aim of this contribution is to evaluate the presence of these areas inside the PRODER and LEADER programmes actually developed in Galicia, in other words, until what extension communal properties are covered by these programmes. Both of them are rural development programmes, the first is only applied in Spain meanwhile the second is the Community Initiative for rural areas development. There are a lot of similarities between the two programmes like the approach used (local initiative), or the specific aim: support of endogeneous and sustainable development through the diversification of the rural economy.

Keywords: Rural development / Galiza / Communal land / PRODER / LEADER.

¹ Os resultados apresentados neste artigo formam parte do projecto FAIR “ Propriedade e aproveitamento communal e a suas implicacions para o desenvolvemento rural em áreas periféricas” (FAIR 6-PL98-4111).

1. INTRODUÇÃO AOS PROGRAMAS

O objectivo deste trabalho é analisar as actuações que sobre as superfícies de MVMC tiveram os programas PRODER² e LEADER. Ambos som programas públicos desenhados desde umha perspectiva de actuação local, aplicados no âmbito territorial galego, e que têm no meio rural o seu sujeito de intervenção.

A principal diferença entre ambos programas vem dada polo feito de ser o LEADER umha iniciativa de âmbito comunitário mentres que o Programa PRODER limita o seu campo de actuação a 10 Comunidades Autónomas do Estado Espanhol. Á margem disto som muitas as similitudes existentes entre ambos³ e que nos levam a estudá-los de jeito conjunto neste apartado:

- Ambos têm como objectivo a consecução do desenvolvimento de áreas rurais
- Som programas de actuação local, serám os agentes locais os encarregados do desenho e do desenvolvimento do mesmos.
- Os dous procuram acadar um modelo de desenvolvimento que nom descansa exclusivamente nas actividades agrárias⁴.

De acordo com o desenho de ambos programas o desenvolvimento nestas zonas “tem” que basear-se na exploração dos recursos locais, através da participação da povoação local e do fomento de iniciativas privadas com um enfoque ascendente, integrado, multisectorial, e sustentado na inovação. É dizer, estamos ante um enfoque que assume a necessidade de aplicar umha perspectiva “de abaixo-arriba”; nom existem soluções únicas e globais, cada área tem os seus próprios recursos, problemas, necessidades e experiências, elementos que forçosamente é necessário ter em conta à hora de pôr em marcha qualquer iniciativa.

O interesse deste tipo de programas onde o protagonismo recai na actuação local reside na sua originalidade: as medidas desenvolvidas vam ser “únicas”, no senso de que nom som programas desenhados a nível europeu ou espanhol, senom que ofertam às comunidades locais umha importante –e até este momento inédita– margem de manobra.

Nom se trata de aplicar medidas ou modelos de desenvolvimento exitosos noutros territórios, o êxito ou o fracasso das medidas adoptadas dependerá da boa adaptação das mesmas às características do território em questom. Na filosofia de ambos programas está a pretensom de que os cidadáns e o território sejam os verdadeiros sujeitos das actuações; que participem activamente em todas as fases do mesmo e, ao mesmo tempo que os procedimentos administrativos estejam próxi-

² Programa Operativo de Desenvolvimento e Diversificação Económica de Zonas Rurales

³ Até o ponto de que as zonas com LEADER II ficam excluídas da convocatória do Programa PRODER.

⁴ De feito o LEADER já no seu desenho exclui a possibilidade de apoiar directamente açons produtivas do sector agrário.

mos a eles, de jeito que a transparência e a proximidade seja percebida por todos os participantes.

Dados os objectivos e desenho de ambos programas parece, a priori, que os MVMC na medida em que constituem um recurso abundante e subempregado –polo menos em boa parte dos casos– deveram ter sido considerados como potenciais áreas de intervenção à hora de determinar as linhas estratégicas de actuação para umha parte importante dos GAL.

Analisamos ambos programas desde a seguinte perspectiva:

- Primeiro detivemo-nos a estudar o desenho dos programas a nível geral, fundamentalmente as diferentes áreas de actuação estabelecidas, com o objectivo de averiguar se as superfícies que a nós nos ocupam som susceptíveis de constituir-se em possíveis áreas de intervenção.
- Umha vez determinada esta potencialidade descendeu-se à análise individualizada de cada um dos programas desenvolvidos. Logicamente, começamos estudando a existência ou nom de MVMC em cada umha das 27 áreas estudadas, com o propósito de determinar se som ou nom um recurso a considerar, para finalmente examinar as actuações efectuadas polos distintos GAL, prestando um especial atençom às intervençoms que dalgum jeito afectaram a estas superfícies.

No que se refere aos dos dados utilizados temos que apontar duas questoms:

- Para o caso do LEADER II e do PRODER os dados totais e de investimentos por medida som dados de investimentos projectados já que ainda nom é possível obter os que recolhem o investimento efectivamente realizado.
- As cifras que fam referência às intervençoms sobre as superfícies de MVMC foram proporcionadas em todos os casos polos gerentes dos 27 grupos de açom local que participaram em um ou outro programa. De jeito que neste caso si som quantias referidas a projectos finalmente executados.

2. O PROGRAMA LEADER

A fins do derradeiro ano 1999 finalizou a segunda etapa da Iniciativa Comunitária LEADER⁵, iniciativa de desenvolvimento rural que procurava o desenvolvimento integral das actividades económicas abrangendo todos os aspeitos do mundo rural. Já se apontara que um dos seus rasgos definitórios radica no feito de que tem dimensom local⁶, o que implica um maior grao participaçom da comunidade local

⁵ DO n° C 73 de 19-3-91.

⁶ Como é de todos conhecido nom é um programa aplicável em todo o território comunitário; senom que podem beneficiar-se desta iniciativa os territórios situados em regions objectivo nº1 e objectivo 5b.

e também o feito de que todo plano de actuaçom se deverá fundamentar num fundo conhecimento das potencialidades e dos problemas que afectam à área.

A Iniciativa Comunitária LEADER é, pois, concebida como um instrumento de intervençom nas áreas rurais, intervençom que desde um enfoque local terá como objectivo o desenvolvimento integral destas áreas. Com tudo, é necessário salientar o feito de que a posta em marcha desse programa vem dada pola constaçom de que a agricultura se vai atopar numha situaçom difícil devido aos problemas derivados das sucessivas reformas da PAC que levarám a muitas exploraçoms a manter com dificuldade margens ajustadas de rendibilidade. Cumpre pois, evitar que esta reduçom do apoio ofertado ao sector leve consigo um transvase de povoaçom das zonas rurais às urbanas; reduçom que em muitos casos levaria à desertificaçom humana de amplias franjas, e que poderia ter efeitos negativos sobre as –já elevadas– taxas de paro do resto dos sectores produtivos.

Começaremos examinando os dados do referido programa para a Comunidade Autónoma Galega, na táboa 1 aparece reflectido o volume total de fundos mobilizados em Galiza a partir deste programa. Na primeira fase tam só 4 GAL galegos gestionaram um programa LEADER, cifra que se viu consideravelmente ampliada na segunda fase na que a três destes grupos iniciais se lhes renovou o programa e entraram a participar 10 grupos novos. É importante salientar que estamos referindo a um volume de fundos que supera os 23 mil milhons de ptas, mas que foram aplicados ao longo dum período dilatado de tempo; desde o ano 1991 ao 1999.

Táboa 1.- Cifras básicas LEADER I e II em Galiza (milhons de ptas)

	ORÇAMENTO*
Os Ancares (I e II)	2.932
Fundación para o Desenvolvimento da Fonsagrada	1.582
Asoc. Grupo Local de Desenvolvimento Rural Río Lor	1.982
Asociación para o Desenvolvimento Integral do Val do Limia	1.676
Asoc. Grupo Local de Desenvolvimento Rural Portodemouros (I e II)	3.026
Centro de Iniciativas para o Desenvolvimento da Comarca Conso-	669
País Navea-Bibeira-Ribeira Sacra do Sil	2.128
Asoc. Lucense Ribeira Sacra	1.458
Fundación para o Desenvolvimento da Comarca da Terra Chá	2.055
Grupo de Acción Local "Desenvolvimento Integral da Comarca de Monterrei(I e II)	1.586
Asoc. Centro de Iniciativas para o Desenvolvimento Local do Val do Miño	997
Mancomunidade do Paradanta	1.040
Asociación Neria	1.425
Baixo Miño (I)**	882
TOTAL	23.438
*Este é o volume total de fundos mobilizados, independentemente da sua procedência, pública ou privada. **Este é o único LEADER galego que nom teve continuidade na fase II.	

FONTE: Elaboraçom própria a partir de dados proporcionados polos próprios LEADER e pola Dirección Xeral de Desenvolvimento Rural.

Umha vez estabelecido o aporte monetário que supom este programa cumprir ver que tipo de medidas se podem apoiar com estes fundos. No programa LEADER I estabeleceram-se as seguintes linhas de actuação:

- 1) *Medidas de desenvolvimento rural propriamente dito:*
 - a) Apoio técnico para a elaboração de projectos.
 - b) Formação profissional e ajudas à contratação.
 - c) Turismo rural.
 - d) Valorização e comercialização “in situ” da produção agrária, florestal e pesqueira local.
 - e) Fomento do artesanato, pequenas empresas e serviços locais, que possibilitem a pluriactividade dos agricultores e da povoação rural em geral.
 - f) Outras medidas, que eram fixadas por cada grupo e que em nenhum caso podiam ultrapassar o 10% do total das intervenções.
- 2) *Medidas relativas aos grupos de desenvolvimento rural.* Som ajudas para a criação e funcionamento dos CEDER, assistência técnica e dotação de equipamentos informáticos e telemáticos.
- 3) *Medidas de integração dos grupos na rede supranacional.* Aquelas que permitam financiar actividades destinadas a interrelação dos CEDER .

O programa teve umha segunda fase; LEADER II com vigência entre 1994 e 1999. Dado que a finalidade deste trabalho nom é a realização dumha análise detalhada do programa LEADER e com o objectivo de ser o mais breves possíveis nom imos determos em realizar um estudo pormenorizado de cada umha das peculiaridades de ambas fases, tam só apontar que, de novo, os beneficiários som as áreas rurais localizadas nas regions objectivo nº 1 e 5b e que vai dar-se umha continuidade de todos os critérios básicos anteriormente citados, ainda que se faz maior fíncape em questons relacionadas com a inovação e com a organização de projectos de cooperação transnacional. O aspeito que mais nos interessa a nós; as distintas medidas subvencionáveis nom vai supor câmbios de importância com respeito ao estabelecido na primeira fase⁷.

Com os dados disponíveis até o momento já podemos apontar algumas cousas:

⁷ Entre as principais novidades desta segunda fase destacaríamos:

- 1) O estabelecimento dumha nova medida destinada à aquisição de capacidades à que se podiam acolher os grupos que nom tiveram participado na fase I do programa
- 2) Dentro do apartado que se denominava no LEADER I “*Medidas de desenvolvimento rural propriamente dito*” (e que no LEADER II passa a ser “*Programas de inovação rural*”) apenas há diferenças entre as distintas linhas de apoio, a única modificação é que o apartado sexto que na fase I se denominava “*Outras medidas*” passa a chamar-se “*Conservação e melhora do meio ambiente e do entorno*” e a estar adicado em exclusiva a conservação e melhora do património natural e cultural.

- Um primeiro elemento que chama a atençom é a dotaçom dos fundos disponíveis para este programa; resulta bastante evidente que estes nom têm muito que ver com a magnitude dos problemas que de acordo com o desenho da iniciativa se pretendem enfrentar. Simplesmente com realizar umha reflexom sobre os problemas que padece o meio rural galego - e fazendo caso omisso da pluralidade de situaçoms existentes em funçom da área geográfica onde nos situemos- nos podemos dectar da grande magnitude e complexidade deste reto. Desertificaçom humana, envelhecimento, ausência de renovaçom demográfica, desequilíbrio costa-interior, marginalidade económica e social, elevadas deficiências de infra-estruturas, baixos níveis de formaçom, inexistência de sectores produtivos que apresentem umha alternativa ao sector primário, ruptura do modelo de sociedade agrária, ...som alguns dos graves problemas que afectam ao nosso meio rural.
- Por outro lado, como se conjuga o declarado enfoque endógeno e local do programa com a exclusom da agricultura como sector susceptível de receber ajudas?. De acordo com o próprio desenho do programa o LEADER possui carácter territorial e deve incluir o máximo número de actores sociais e a todos os sectores económicos implicados no processo de desenvolvimento. Evidentemente em certos lugares onde a agricultura é um resíduo do passado ou bem onde já acadou – ou incluso superou– o seu máximo nível produtivo este desenho pode ser o adequado, mas lamentavelmente esta nom é a situaçom mais frequente nas regions mais atrasadas da UE.

Vexamos agora a aplicaçom concreta do programa em Galiza. Na táboa 2 oferta-se informaçom sobre os concelhos que participaram neste programa, tanto na primeira como na segunda fase, assim como a superficie de monte vizinhal em mao comum que têm as diferentes áreas beneficiadas polo programa. Queda de manifesto com a simples observaçom dos dados que estas superficies som umha parte importante da superficie destes concelhos. Tam só há duas excepçoms a esta regra: a Asociación Neria e o Grupo Local de Desenvolvimento Rural Portodemouros, em ambos casos se bem existem superficies de monte vizinhal nom têm a mesma importância que nos outros grupos.

Passamos agora a analisar as actuaçoms levadas a cabo que afectaram a estas superficies, ainda que antes de entrar nesta análise gostaríamos de volver a insistir numha questom já exposta mas que consideramos de muita importância: os grupos de açom local têm limitada, de partida, a capacidade de actuaçom sobre os MVMC devido ao desenho do programa, à exclusom da agricultura e do sector florestal como sectores directamente subvencionáveis.

Táboa 2.- MVMC nas áreas LEADER

PROGRAMAS	HAS. MVMC	Nº	SUP.MONTES/ /SUP. TOT.
<i>Os Ancares</i> Becerreá, Cervantes, Navia de Suarna, As Nogais e Pedrafita do Cebreiro	36.860	211	40,6
<i>Fundación para o Desenvolvemento da Fonsagrada</i> Baleira, A Fonsagrada e Negueira de Muñiz	11.524	57	17,0
<i>Asoc. Grupo Local de Desenvolvemento Rural Rio Lor</i> Bóveda, Folgoso do Caurel, O Incio, Povia de Brollón, Quiroga, Ribas de Sil e Samos	52.829	160	46,8
<i>Asociación para o Desenvolvemento Integral do Val do Limia</i> Baltar, Bande, Os Blancos, A Bola, Calvos de Randín, Celanova, Entrimo, Lobeira, Padrenda, A Porqueira, Quintela de Leirado, Rairiz de Veiga, Sandiás, Sarreaus, Vereá e Xinzo de Limia	39.772	212	34,4
<i>Asoc. Grupo Local de Desenvolvemento Rural Portodemouros</i> Arzúa, Boimorto, Melide, O Pino, Santiso, Sobrado, Toques, Touro, Vila-santar, A Golada e Vila de Cruces	4.952	18	4,1
<i>Centro de Iniciativas para o Desenvolvemento da Comarca Conso-Frieiras</i> A Gudiña, A Mezquita, Rios e Vilariño de Conso	32.207	53	54,6
<i>País Navea-Bibeí-Ribeira Sacra do Sil</i> Baños de Molgas, O Bolo, Castro Caldelas, Chandrexa de Queixa, Esgos, Larouco, Maceda, Manzaneda, Monterramo, Nogueira de Ramuín, Parada do Sil, Pereiro de Aguiar, Pobra de Trives, Rio, A Teixeira, A Veiga, Viana do Bolo e Xunqueira de Espadañedo	64.198	268	37,8
<i>Asoc. Lucense Ribeira Sacra</i> Carballedo, Chantada, Ferreira de Pantón, Monforte de Lemos, Paradela, Portomarín, O Saviñao, Sober e Taboada	17.133	85	12,5
<i>Fundación para o Desenvolvemento da Comarca da Terra Chá</i> Abadín, Begonte, Castro de Rei, Cospeito, Guitiriz, Pastoriza, Vilalba e Xermade	26.619	82	16,0
<i>Grupo de Acción Local "Desenvolvemento Integral da Comarca de Monterrei"</i> Castrelo do Val, Cualedro, Laza, Monterrei, Oimbra, Verín e Vilardevós	47.806	116	53,6
<i>Asoc. Centro de Iniciativas para o Desenvolvemento Local do Val do Miño</i> Arnoia, Castrelo do Miño e Cortegada	2.192	19	25,1
<i>Mancomunidade do Paradanta</i> Arbo, A Cañiza, Covelo, Crecente e As Neves	22.105	66	55,4
<i>Asociación Neria</i> Cabana, Camariñas, Carnota, Cee, Corcubión, Dumbría, Fisterra, Laxe, Mazaricos, Muxia, Vimianzo e Zas	5.897	35	5,4
<i>Baixo Miño</i> A Guarda, Oia, O Rosal, Tomiño e Tui	15.602	42	48,3
TOTAL	379.697	1.423	28,8

FONTE: Elaboración propia.

Na táboa 3 aparecen resenhadas as actuacións levadas a cabo por programa e o investimento total, distinguindo a súa orixe pública ou privada.

Táboa 3.- Actuaçons sobre MVMC LEADER I e II (miles de ptas)

	CUSTO TOTAL	PROCEDÊNCIA PÚBLICA	PROCEDÊNCIA PRIVADA
<i>Fundación para o desenvolvemento da Fonsagrada (1 acçom)</i>	500	500	0
Curso de formaçom organizaçom e gestom de MVMC	500	500	0
<i>Asoc. Lucense Ribeira Sacra (1 acçom)</i>	11.781	8.247	3.534
Criaçom dumha reserva cinegética	11.781	8.247	3.534
<i>Asoc. C. de Iniciativas para o desenvolvemento Local do Val do Miño (1 acçom)</i>	10.144	7.957	2.186
Rehabilitaçom dum humilhadoiro	10.144	7.957	2.186
<i>Mancomunidade do Paradanta (3 acçons)</i>	34.500	21.600	12.900
Plano de ordenaçom cinegética	15.000	9.000	6.000
Projecto de aproveitamento das superficies MVMC para a realizaçom de compost	15.000	9.000	6.000
Recuperaçom de áreas recreativas e flubiais	4.500	3.600	900
<i>Baixo Miño (12 acçons)</i>	35.434	29.310	6.124
Estudo tecnoeconómico dos MVMC do Baixo Miño e alternativas para o seu aproveitamento integral	15.000	15.000	0
Acondicionamento dum área recreativa	6.157	4.250	1.907
Sinalizaçom dum área de arboredo	604	400	203.750
Recuperaçom de 14 moinhos (6 acçons)	9.114	6.530	2.584
Rehabilitaçom dumha ponte	1.880	1.210	669
Construçom dum acueducto	1	700	300
Acondicionamento átrio dumha igreja	1.679	1.220	459
TOTAIS	92.359	67.614	24.744

FONTE: Elaboraçom própia a partir de dados proporcionados polos GAL.

Um comentário à margem merece o LEADER da Comarca de Monterrei no que, se bem nom resultaram beneficiadas directamente estas superficies, si se realizaram intervençons que afectavam indirectamente aos MVMC, na medida em que umha das linhas estratégicas de actuaçom foi a potenciaçom e melhora da produçom de castanha (agrupando em torno a este eixo um número importante de projectos; tanto de formaçom, como de investigaçom e de apoio a cooperativas relacionados com esta produçom), aproveitamento que nestas superficies tinha umha longa tradiçom.

A táboa pom de relevo que em 8 dos 13 programas nom se realizou nenhum tipo de intervençom sobre estas superficies. Se bem neste grupo de 8 están incluídas as duas áreas que menor superficie de MVMC possuem, sendo a sua presença praticamente testimonial (estamo-nos a referir à Asociación Grupo Local de Desenvolvemento Rural Portodemouros e à Asociación Neria), nom é esse o caso dos demais onde as superficies de monte vizinhal som importantes em todos os casos.

Resulta também ilustrativo comparar o volume total de fondos aplicados a estas superficies e compará-lo com o volume total de fondos empregados; som o 0,0039% do total dos fondos LEADER, cifra que pom de relevo a excepcionalidade destas intervençons.

Com tudo há que salientar que alguns dos gerentes manifestaram que existiu a vontade por parte do GAL de implicar a estas superfícies e aos seus proprietários no programa, mas não conseguiram que as comunidades se implicassem no projecto. Com isto pretende-se apontar que estes cativos resultados não têm uma única origem, não se podem explicar só através da inadaptação do plano à natureza destas superfícies. A situação é mais complexa, os MVMC são áreas onde resulta especialmente difícil estabelecer linhas de intervenção que contem com o apoio das comunidades proprietárias; problemas relacionados especificamente com este recurso derivados das suas peculiaridades e da sua evolução⁸ vão deixar a sua impronta à hora de executar planos de acção que incluam a estas superfícies.

Resta para rematar com a análise do plano LEADER reflectir sobre a natureza das iniciativas empreendidas, em total foram 18 acções repartidas entre 5 grupos de acção local. O grupo Baixo Miño foi o que maior número de iniciativas desenvolveu, assim como o grupo que mais fundos destinou a esta finalidade.

Das 18 acções acometidas 12 são projectos que perseguem a recuperação do património natural ou etnográfico, não estão pois relacionadas directamente com nenhuma actividade produtiva. Incidem indirectamente no sector terciário na medida em que contribuem a fazer mais atractiva a zona para o turismo. Destas doze, dez são desenvolvidas pelo grupo Baixo Miño.

Este facto não deve resultar surpreendente se temos em conta a orientação geral do programa: mais do 30% do total de fundos disponíveis no programa de inovação rural foram absorvidos pela partida de turismo rural.

Mencão especial merecem duas iniciativas desenvolvidas pela Mancomunidade do Paradanta pelo facto de ser as únicas que têm carácter produtivo:

- A primeira é a realização dum plano de ordenação cinegética nestas superfícies, se bem este não é o único projecto relacionado com esta actividade (a As. Lucense Ribeira Sacra criou uma reserva cinegética) tem a peculiaridade de ter uma vocação empresarial clara dado que se concebe como um coto de caça ao que poderão aceder pessoas alheias à comunidade através do pagamento de licenças.
- Outro projecto de carácter empresarial é desenvolvido por um promotor alheio à comunidade mas que aproveita através dumha cession parte das superfícies de MVMC para manter gado caprino ademais de aproveitar a biomassa da área para obter compostos.

⁸ À hora de realizar uma reflexão sobre o estado de abandono e subexploração que sofrem estas superfícies é imprescindível referir-se aos acontecimentos históricos sofridos pelas mesmas; a incompreensão da natureza deste tipo de propriedade por parte do Estado Espanhol levou a um processo de usurpação destas superfícies desde os anos 40. Os autênticos proprietários viram-se excluídos do seu aproveitamento, facto que explica em boa parte a indiferença que os vizinhos mostram ante estas áreas, atitude que não faz mais que reflectir insegurança frente a esta forma de propriedade.

Completa-se o quadro de medidas com duas que têm um carácter de apoio ou de complemento de possíveis aproveitamentos produtivos: a primeira é um curso de formação orientado para a gestão e organização dos MVMC e por último um estudo técnico sobre estas superfícies, passo prévio para a realização dum aproveitamento racional das mesmas.

3. PROGRAMA PRODER

O Programa PRODER⁹ resulta da aplicação do marco comunitário de apoio pluriregional para as regiões objectivo 1 do Estado Espanhol. Como já se apontara anteriormente é uma iniciativa que tem como finalidade específica o desenvolvimento das áreas rurais, de facto os objectivos genéricos do programa são¹⁰: “impulsar o desenvolvimento endógeno e sustentável das zonas de aplicação, através da diversificação da economia rural, perseguindo o mantimento da povoação, re-freando a regressão demográfica e elevando as rendas e o bem-estar social dos seus habitantes a níveis mais próximos ou equiparáveis aos das outras zonas mais desenvolvidas, assegurando a conservação do espaço e dos recursos naturais”.

Assim pois, a definição deste programa permite-nos enquadrá-lo dentro da necessidade explicitada pela União Europeia (U.E.) de desenhar uma política rural capaz de conservar o espaço rural em benefício de toda a sociedade europeia. Do desenho do mesmo tiram-se quatro características básicas que o definem como um programa de acção local, multisectorial, adaptado às características de cada território e com um marcado enfoque “abaixo-arriba”, enfoque que terá que presidir todas as fases do mesmo.

O programa começou a funcionar no Estado Espanhol no ano 1996, beneficiando-se do mesmo um total de 10 Comunidades Autónomas, entre elas Galiza onde actuaram treze grupos de desenvolvimento espalhados por toda a geografia galega.

Na Galiza o PRODER vem funcionando desde o verão de 1996, rematando a sua vigência com o fim do ano 1999. Na tabela que se oferta de seguida podemos ver que concelhos abarcam as treze zonas galegas que aplicaram um plano PRODER assim como a superfície de MVMC que possuem.

A tabela põe de manifesto duas questões:

- A grande diversidade de situações que podemos atopar nestas 13 áreas, que vão desde zonas periurbanas, a zonas interiores de montanha com um importante nível de atraso ou outras que têm um grande potencial agrário e que estão imersas num processo de modernização do sector.

⁹ Decisão C(96) 1454 de 18 de Junho, RD 206/1996 de 9 de fevereiro do 1996.

¹⁰ Programa de desarrollo y diversificación económica de zonas rurales (PRODER) en Galicia. Documento elaborado pola Dirección Xeral de Desenvolvemento Rural, Consellería de Agricultura, Gandería e Política Agroalimentaria.

- Os MVMC som um recurso importante na maior parte destas zonas, tam só há três excepcións; Fundación D.C. de Bergantinhos, DRUCOPE e Euro-Eume onde a presenza destas superficies –especialmente nos dous últimos- é praticamente testimonial. No resto dos casos os MVMC constituem um recurso relevante, sendo o caso mais extremo o de o Grupo ADILOM onde superam o 50% da superficie total.

Táboa 4.- PRODER em Galiza

	CONCELHOS	M.V.M.C.	HAS	SUP. MVMC/ /SUP. TOT.
<i>DROUCOPE</i>	Coles, Ourense* e A Peroxa	1	3	0,02%
<i>Mancomunidade do Condado</i>	Mondariz, Pontearas, Salceda de Caselas e Salvaterra do Miño	60	9.635	31,2%
Fundación D.C. de Bergantiños	Carballo, Coristanco, Laracha, Malpica de Bergantiños e Ponteceso	6	1.404	2,3%
<i>EURO-EUME</i>	Cabanas, A Capela, Monfero, Pontedeume, As Pontes de García Rodríguez, San Sadurniño, Somozas e Vilarmaior.	1	172	0,2%
<i>Asociación Terra de Montes</i>	Beariz, Cerdedo e Forcarei	102	13.477	44,3%
<i>INLUDES</i>	O Corgo, Guntin, Lugo*, Outeiro de Rei, O Páramo e Rábade	59	8.625	10,1%
<i>Grupo ADILOM</i>	Lóbios e Muinhos	45	15.709	56,5%
<i>Mancomunidade de Vigo</i>	Baiona, Fornelos, Gondomar, Nigrán, Pazos de Borbén, O Porriño, Redonde-la, Soutomaior e Vigo*	86	19.277	36,8%
<i>Asociación D. R. Vilar de Barrio e Xunqueira de Ambia</i>	Vilar de Barrio e Xunqueira de Ambia	41	8.104	48,6%
<i>Fundación Baixo Miño</i>	A Guarda, Oia, O Rosal, Tomiño e Tui	42	15.602	48,3%
<i>Fundación Comarca da Ulloa</i>	Antas de Ulla, Monterroso e Palas de Rei.	32	6.328	15,3%
<i>Fundación Comarca de Ortegá</i>	Cerdido, Mañón, Ortigueira e Cariño	6	4.108	10,5%
<i>A.G.L.D.R..Parque Natural Dunar de Corrubedo e Lagoas Carregal e Vixán</i>	Ribeira	6	1.288	18,7%
TOTAL		486	103.792	20,1%

* Excepto a zona urbana.

FONTE: Elaboración propia.

A respecto do tema que nos ocupa, polo seu desenho, este programa constitui unha nada desprezível oportunidade de actuación sobre estas superficies –como acontecía no LEADER–, o protagonismo do programa deberá recair na comunidade local, quem a partir dum fondo coñecemento das características do seu territorio tem que desenhar e executar un plano de actuación que aglutine a todos os actores sociais e que mobilize recursos que até o momento estiveram subempregados. Ademais, na propia definición do programa explicita-se a conservación do espazo e dos recursos naturais como um dos seus objectivos.

Mas há outra questom no desenho do PRODER que resulta mais relevante para a nossa análise e que introduz umha importante novidade com respeito ao LEADER: através deste programa si se pode apoiar directamente ao sector primário. Para este tipo de actuaçoms estabelecem-se duas medidas¹¹ (a 7 e a 8) que têm como finalidade a revalorizaçom do potencial produtivo agrário e florestal e a melhora da extensom agrária e florestal respectivamente.

A inclusom do sector agrário como sector susceptível de ser apoiado implica, desde a nossa perspectiva, a eliminaçom dumha contradiçom fundamental que estava implícita no desenho do plano LEADER, e que constituía um atranco à hora de aplicá-lo: a impossibilidade de subvencionar directamente ao sector primário num área como Galiza na que este segue a ter umha elevada importância, tanto em termos de emprego como de produçom. A priori, semelhava que a inclusom destas duas medidas ia supor que neste programa as superficies de MVMC apareceram, dum jeito muito mais claro que no LEADER, como potenciais receptoras dos fundos.

Dito isto temos que lamentar que na Galiza o Governo Autonómico estabeleceu que as medidas 1, 7 e 8 nom eram de aplicaçom em nenhum dos territórios PRODER. Isto implica por umha parte umha limitaçom importante da autonomia das áreas beneficiadas com o programa, feito que está em contradiçom com a filosofia do mesmo. Por outra, umha oportunidade perdida para intervir localmente em áreas nas que o sector primário segue a ser a base da sua economia e que incluso estão a desenvolver actividades ganadeiras em condiçoms de chegar a ser competitivas.

A pesar da cativa importância deste programa em termos de fundos e de que os seus efeitos tam só os podemos situar no âmbito local, nom deixamos de considerar este feito como umha oportunidade perdida para estas superficies, e estendendo o nosso argumento, em termos de reestruturaçom do sector agrário para algumas destas zonas.

Assim as cousas, o impacto que este programa pudera ter sobre as superficies de MVMC vê-se radicalmente diminuído por esta decisom. Tam só se poderiam ver beneficiadas através do apoio que se pudera prestar a algumas empresas de transformaçom agrária que tivessem nestas superficies a sua base fundamental (este tipo de actuaçoms enquadrariam-se na Medida 5: “Fomento de pequenas e me-

¹¹ O PRODER estabelece as seguintes linhas de actuaçom:

MEDIDA 1-Valorizaçom do meio rural. Renovaçom e desenvolvimento de núcleos de povoaçom com predominio da actividade agrária.

MEDIDA 2-Valorizaçom do património local. Renovaçom e desenvolvimento de núcleos de povoaçom sem predominio da actividade agrária.

MEDIDA 3- Fomento dos investimentos turísticos no meio rural: agroturismo.

MEDIDA 4: Fomento dos investimentos turísticos no meio rural: turismo local.

MEDIDA 5- Fomento de pequenas e medianas empresas, actividades de artesanato e serviços.

MEDIDA 6- Serviços a empresas.

MEDIDA 7- Revalorizaçom do potencial produtivo agrário e florestal.

MEDIDA 8- Melhora da extensom agrária e florestal.

dianas empresas, actividades de artesanato e serviços”), ou bem através de actuações que busquem acadar umha recuperação do património sito nestas zonas (e neste caso indirectamente través das Medidas 3 e 4 concebidas para o apoio ao turismo rural, dado que a exclusão da Medida 1 vai limitar também estas actuações). Imos ver de seguido que incluso estas situações vam ser umha parte mui minoritária do total do programa.

Na táboa 5 podemos ver o investimento previsto por medidas em cada um dos PRODER.

Táboa 5.- Investimentos totais (milhons de ptas)

CONCELHOS	INVESTIMENTO
Coles, Ourense* e A Peroxa	1.115
Mondariz, Pontearreas, Salceda de Caselas e Salvaterra do Minho	532
Carvalho, Coristanco, Laracha, Malpica de Bergantinhos e Pontecesó	513
Cabanas, A Capela, Monfero, Pontedeume, As Pontes de García Rodríguez, San Sadurninho, Somozas e Vilarmaior.	1.466
Beariz, Cerdedo e Forcarei	407
O Corgo, Guntim, Lugo*, Outeiro de Rei, O Páramo e Rábade	971
Lóbios e Muinhos	394
Baiona, Fornelos, Gondomar, Nigrám, Paços de Borbém, O Porrinho, Redondela, Soutomaior e Vigo*	411
Vilar de Barrio e Xunqueira de Ambia	385
A Guarda, Oia, O Rosal, Tominho e Tui	412
Antas de Ulha, Monterroso e Palas de Rei.	320
Cerdido, Manhom, Ortigueira e Carinho	544
Ribeira	431
TOTAL	7.900

FONTE: Dados proporcionados pola Dirección Xeral de Desenvolvemento Rural, Consellería de Agricultura, Gandeiría e Política Agroalimentaria.

Como se pode comprovar na táboa anterior, o total de fondos mobilizados é de 7.900 milhons de pesetas dos que perto do 30% procedem da iniciativa privada. Como apuntáramos já quando analisávamos os fondos LEADER há umha manifesta insuficiéncia dos fondos postos a disposición dum objectivo mui ambicioso, máxime dada a magnitude dos problemas que devem afrontar as áreas rurais. Existe, portanto, em ambos casos umha clara incoeréncia entre os objectivos expostos e os meios postos a serviço destes objectivos.

Curiosamente, se ordenamos as diferentes áreas em función do seu volume de investimento, som as zonas de montanha (Asociación Terra de Montes, Grupo ADILOM, Asociación Vilar de Barrio e Xunqueira de Ambia e Fundación Comarca da Ulloa) as que ocupam as últimas posições. Sem embargo, entre os três primeiros postos atopamos duas das três áreas periurbanas, supostamente as menos rurais e mais desenvolvidas.

A distribución dos investimentos em función das 5 medidas estabelecidas para o caso dos PRODER galegos é ilustrativa, na medida em que o grosso do investi-

mento concentra-se nas de Agro-Turismo, Turismo Rural e Valorização do Património, que em conjunto absorvem o 79,9% dos fundos disponíveis. Mas, resulta interessante destacar que há dous tipos distintos de situaçõs: as áreas com um menor nível de desenvolvimento (mais isoladas, com predomínio da actividade primária, com um maior nível de envelhecimento com umha menor dotaçom de infra-estruturas de qualquer tipo) o Agroturismo e o Turismo Local som as medidas que têm um maior peso, representando o 78% dos fundos para a Associação Terra de Montes, o 74% para a Asociación D.R. Vilar de Bárrio e Xunqueira de Ambia, o 72% para a Fundación da Comarca da Ulloa e do 69% para ADILOM. No resto dos PRODER curiosamente a partida mais importante é a de Valorização do património.

O elevado investimento no turismo realizado em boa parte destas zonas resulta realmente surpreendente, ao nom ser coerente nem com a estrutura produtiva da zona, centrada no sector primário, nem com a existência dumha demanda significativa do sector turístico na maior parte dos casos. Além disso, a experiênciã doutros lugares indica que o desenvolvimento do turismo deve ir parelho à conservaçom do património e ao desenvolvimento de empresas de artesanato, já que os consumidores de turismo rural nom buscam só umha residênciã onde passar uns dias, senom que estãm também interessados nas possibilidades de ócio e de comércio associadas à zona.

Também resultam surpreendentes as escassas despesas dedicadas a equipamentos e serviços nas zonas mais deprimidas. Semelha que seriam as que poderiam ter um maior impacto sobre o nível de vida da povoaçom destes territórios, sobre todo se pensamos que nelas a fixaçom da povoaçom é umha necessidade. Sem embargo, o maior investimento em equipamentos e serviços realiza-se nas áreas mais desenvolvidas, destacando a Mancomunidade de Vigo com mais do 70% do total do investimento adicado a estas partidas.

Analisemos agora a quantia dos fundos que tiveram como destino final as superficies de MVMC, as cifras resultam ser mui ilustrativas do escasso impacto que tivo este programa.

O impacto do programa sobre as superficies que nos ocupam é realmente limitado. Há que pensar que dos 13 programas tam só dous realizaram intervençõs sobre o monte, resultando ademais especialmente chamativo o feito de que só um dos dous se encontra no grupo dos que mais superficie de MVMC possuem¹².

¹² O 48,3% da superficie total do concelho no caso da Fundação Baixo Minho e o 18,7% no caso da A.G.L.D.R do Parque Natural Complexo Dunar de Corrubedo e Lagoas de Carregal e Vixán.

Táboa 6.- Actuaçons sobre MVMC no PRODER

	CUSTO TOTAL	PROCEDENCIA PÚBLICA	PROCEDENCIA PRIVADA
<i>A.G.L.D.R. do Parque Natural Complexo Dunar de Corrubedo e Lagoas de Carregal e Vixán (3 acçons)</i>	137.000.000	85.200.000	51.800.000
Estabelecemento dum mesom propiedade dumha das três CMVMC	10.000.000	7.200.000	2.800.000
Instalaçom de dous campings em terreos de MVMC para o que se estabeleceu um acordo de cessom destas superficies	87.000.000	45.000.000	42.000.000
Intalaçom dum Aula de Natureza em terreos de MVMC para o que se estabeleceu um acordo de cessom destas supe	40.000.000	33.000.000	7.000.000
<i>Baixo Miño (3 acçons)</i>	21.715.331	16.064.135	5.651.196
Acondicionamento de duas áreas recreativas (incluem num dos casos a recuperaçom de patrimonio etnográfico)	18.904.850	14.658.895	4.245.955
Tenda Verde (ponto de venda de produtos endógenos no Parque Natural de Aloia)	2.810.481	1.405.240	1.405.241
TOTAIS	158.715.331	101.264.135	57.451.196

FONTE: Elaboraçom própia a partir de dados proporcionados polos GAL.

O caso do Proder do Baixo Miño resulta ilustrativo da similitude que na prática están a ter estes dous programas. O LEADER do Baixo Miño foi o único que nom tivo continuaçom na fase duas do mesmo, posteriormente a zona foi beneficiada com um programa PRODER que engloba aos mesmos concellos e que resulta ter umha linha de actuaçom similar à executada polo anterior programa.

O peso destas iniciativas nos orçamentos do programa é também escasso o 2,0% do total, e de novo –e como era de prever debido a reduçom de medidas subvencionáveis estabelecida polo goberno galego– as intervençons som alheias ao sector primário; centram-se em actividades relacionadas coa recuperaçom de patrimonio natural e servios de apoio ao turismo.

Antes de finalizar a análise deste programa gostaríamos de apontar algunhas questons sobre o A.G.L.D.R do Parque Natural Complexo Dunar de Corrubedo e Lagoas de Carregal e Vixán, este PRODER presenta várias peculiaridades: por umha banda é o único que tem como âmbito territorial de actuaçom um único concello, feito que está ligado à existênciam dum parque natural no seu território. Mas também é o único programa de intervençom local galego que inclui às comunidades de MVMC como sócios do GAL; está integrado pola Associaçom de Proprietários afectados polo Parque Natural, polo Concelho, pola Junta Reitora do Parque natural e polas três comunidades de MVMC que há na área, o que evidentemente lhes outorga um importante poder de decisom dentro do grupo.

4. CONCLUSONS

Realizamos esta análise com umha finalidade: averiguar os efeitos que os programas LEADER e PRODER tiveram sobre as superficies de MVMC. Na medida

em que ambos tinham como objectivo o desenvolvimento de áreas rurais desde umha perspectiva de actuação local parecia lógico supor que estas superfícies puderam formar parte do plano estratégico de intervenção de boa parte dos GAL. À vista do que levamos exposto parece que a pergunta que nos levava a fazer esta análise tem umha resposta bastante clara: o impacto foi mínimo, nenhum destes programas tem contribuído a desenvolver o potencial produtivo que encerram estas zonas.

Que elementos podem explicar estes cativos resultados? A modo de conclusom nós cremos que se podem resumir em torno a cinco eixos:

- 1) As possibilidades que os GAL tinham de intervir nestas superfícies estavam limitadas desde o começo no caso das duas fases do LEADER polo próprio desenho do programa, a exclusom da agricultura como sector susceptível de perceber ajudas resulta determinante à hora de valorar os cativos resultados obtidos.
- 2) No caso do PRODER a situação é parecida, mas co agravante de que neste caso a decisom de excluir ao sector agrário foi umha limitaçom auto-imposta polo próprio governo autonómico.
- 3) Em ambos casos a actividade estrela foi o Turismo, que se debuxa como o objectivo estratégico a maior parte das vezes¹³.
- 4) peso do investido, directa ou indirectamente, nestas superfícies sobre os orçamentos totais disponíveis fai que podamos reduzir as intervençoms à categoria do meramente anedótico. Por riba, a maior parte dos projectos levados a cabo nom respondem à busca dum uso produtivo destas superfícies, feito que, em parte, é umha consequência directa do ponto anterior.
- 5) Para rematar gostaria-nos apontar que à hora de analisar as actuaçoms no plano local sobre estas superfícies nom há que esquecer que nalguns dos GAL si houvo umha vontade real de intervenção. Vontade que pudo ver-se coutada polos problemas específicos que apresentam estas superfícies; relacionados tanto com os avatares históricos sofridos por esta especial forma de propriedade (e que som fundamentais para poder explicar a situação de abandono na que se acham imersas em boa parte dos casos) como com a necessidade de consenso entre os proprietários para empreender qualquer melhora. Isto fai que seja um tipo de recurso ao que é necessário adicar muito tempo e umha especial atençom as suas peculiaridades se realmente se quer mudar a actual situação de subexploraçom que padecem.

¹³ Se bem é certo que as cifras mostram esta actividade como a mais apoiada com muita diferença para poder explicar a eleição de esta opção por parte dalguns dos GAL cumpriria realizar umha análise mais pormenorizada do tipo de investimentos realizados baixo esta denominaçom.

BIBLIOGRAFIA

- CHARLIER, C. (1997): *Innovación y desarrollo rural*. (Serie de Informes del Observatorio Europeo LEADER, núm. 2). Bruselas.
- CRISTOVÃO, A. (1999): “Desenvolvimento. Perplexidades, propostas e interrogações” *Seminário Desenvolvimento Rural e Cooperação Iberoamericana*. Évora.
- DAUCE, P. (1997): “Politiques “horizontales” et politiques territoriales des structures agricoles”, *Économie Rurale*, núm. 241.
- EUROPEAN COMMISSION (1999): *Agriculture, Environment, Rural Development, Facts and Figures, a Challenge for Agriculture*.
- LÓPEZ IGLESIAS, E. (1998): “Impacto de la nueva política de desarrollo rural en las zonas desfavorecidas”, *Seminário Reforma de los Fondos Estructurales*. (Seminario organizado pola COAG). Iruña.
- PÉREZ FRA, M.; VERDUGO MATÊS, R. (1999): “Umha aproximaçom ao programa PRODER na Galiza”, *I Encontro Galiza Portugal de Estudos Rurais*. Bragança.
- SARRACENO, E. E OUTROS (1999): “Evaluar el valor añadido del enfoque LEADER”, *Innovación en el medio rural*. (Serie de Informes del Observatorio Europeo LEADER, núm. 4). Bruselas.
- SOTTE, F. (1996): “La dimensión regional de una nueva PAC orientada al desarrollo rural integrado”, *Revista Española de Economía Agraria*, núm. 176.